

Na osnovu člana 32. Zakona o javnim nabavkama („Službeni glasnik BiH“, br. 39/14 i 59/22), nakon provedenog postupka javne nabavke putem konkurentskog zahtjeva za dostavljanje ponuda, za potrebe Ministarstva spoljne trgovine i ekonomskih odnosa Bosne i Hercegovine, zaključili su u Sarajevu, dana 1. 7. 2024. godine

**OKVIRNI SPORAZUM
ZA IZNAJMLJIVANJE UREĐAJA ZA UMNOŽAVANJE I REPRODUKCIJU
PISANOG MATERIJALA – PRINT SERVIS**

Zaključen između:

1. Ministarstva spoljne trgovine i ekonomskih odnosa Bosne i Hercegovine, Musala broj 9, 71000 Sarajevo ID broj: 4200071920007, (u daljem tekstu: Ugovorni organ), kojeg zastupa ministar Staša Košarac, ministar
i
2. „STR Olovka“ Grude, , adresa: DR. Franje Tuđmana br. 2388340 Grude, ID broj: 4372316810003 (u daljem tekstu: Dobavljač), kojeg zastupa Ana Grubušić, direktor .

Ugovorne strane su se dogovorile o sljedećem:

**Član 1.
(Predmet)**

- (1) Predmet ovog Okvirnog sporazuma (u daljem tekstu: Sporazum) je iznajmljivanje uređaja za umnožavanje i reprodukciju pisanog materijala – Print servis, a prema ponudi Dobavljača broj: 007/2024 od 9. 5. 2024. godine, za potrebe Ministarstva spoljne trgovine i ekonomskih odnosa Bosne i Hercegovine.
- (2) Ugovorni organ i Dobavljač su saglasni da Sporazum realizuju prema definisanim uslovima iz Tenderske dokumentacije i prema sadržaju ponude.

**Član 2.
(Vrijednost Okvirnog sporazuma)**

- 1) Ukupna vrijednost Okvirnog sporazuma iznosi 35.915,17 KM, sa PDV-om,
- 2) Ugovorni organ je dužan da za izvršene usluge iz člana 1. ovog Sporazuma Dobavljaču plati cijenu, utvrđenu ponudom Dobavljača, koja ne može biti promijenjena u toku trajanja Okvirnog sporazuma.
- 3) Ukupna plaćanja sa uključenim porezom na dodatnu vrijednost, na osnovu svih pojedinačnih izvršenih usluga po zahtjevima Ugovornog organa koja proizilaze iz ovog Sporazuma, ne smiju prelaziti procijenjenu vrijednost nabavke.

Član 3.
(Zaključivanje ugovora i garancija za dobro izvršenje ugovora)

- (1) Na osnovu ovog Okvirnog sporazuma ugovorne strane zaključuju pojedinačne narudžbenice/ugovore sa rokom važnosti koji ukupno traje do isteka važenja ovog Okvirnog sporazuma, zavisno od interesa ugovornih strana, a pod uslovima utvrđenim obavještenjem o nabavci, tenderskoj dokumentaciji i u skladu sa odredbama Zakona o obligacionim odnosima.
- (2) Ugovorni organ utvrđuje безусловnu bankarsku garanciju za dobro izvršenje ugovora na iznos od 5% (pet posto) od vrijednosti pojedinačnog ugovora - sa periodom važenja 30 dana dužim od važenja pojedinačnog ugovora, naplativom na prvi poziv.

Član 4.
(Period vršenja usluga)

- (1) Ovaj Okvirni sporazum zaključuje se na period od godinu dana, računajući od dana stupanja Okvirnog sporazuma na snagu do gornjeg praga vrijednosti do kojeg sporazum pojedinačnim narudžbenicama/ugovorima može biti iscrpljen/iskorišten, odnosno do ispunjenja ugovorene cijene, ako se ugovorna obaveza izvrši u kraćem roku.
- (2) Davalac usluga se obavezuje da ugovorene usluge izvršavava stručno i kvalitetno u skladu sa važećim standardima i pravilima struke.

Član 5.
(Način i rok plaćanja)

- (1) Plaćanje usluga iz člana 1. ovog Okvirnog sporazuma se vrši putem Jedinstvenog računa, ispostavljenog od strane Dobavljača.
- (2) Obračun se vrši na osnovu broja ispisa po stanju brojača na uređaju, a ispostava faktura vrši se na mjesečnom nivou.

Član 6.
(Obaveze Ugovornog organa i dobavljača)

- 1) Rok isporuke printera i stavljanja u funkciju dobavljač je u obavezi izvršiti u roku od tri dana, a najkasnije sedam dana od obostranog potpisivanja ugovora.
- 2) Ugovorni organ prihvata da će koristiti iznajmljeni uređaj u skladu s uputstvom za upotrebu, uključujući sve opisane postupke i dodatne upute primljene od strane Dobavljača.
- 3) Obaveze Dobavljača prema ovom Okvirnom sporazumu prestaju ukoliko je greška, kvar ili oštećenje nastalo višom silom, previsokim ili nepravilnim naponom, greškom rukovanja, zahvatom neovlaštenih osoba ili korištenjem neodgovarajućeg potrošnog materijala ili dijelova izvan okvira ovog Okvirnog sporazuma. Dobavljač u tim slučajevima zadržava pravo Ugovornom organu dodatno zaračunati vrijednost

zamijenjenih dijelova i uslugu popravka. Po izvršenom popravku i plaćanju, obaveze Dobavljača su ponovo važeće.

Član 7. (Raskid Okvirnog sporazuma)

- (1) Kada jedna ugovorna strana ne ispuní svoju obavezu, druga strana može, ako nije drugačije određeno ovim sporazumom, zahtjevati ispunjenje obaveza ili, pod uslovima predviđenim ovim sporazumom i ugovorenim materijalnim pravom, raskinuti ovaj Okvirni sporazum, ako raskid Okvirnog sporazuma ne nastupa po samom zakonu, a u svakom slučaju ima pravo na naknadu štete.
- (2) U slučaju raskida/djelimičnog raskida Okvirnog sporazuma, ugovorne strane imaju pravo na naknadu štete koju trpe zbog kršenja sporazuma/pojedinačnog ugovora od druge ugovorne strane.
- (3) Na ostala prava i obaveze ugovornih strana, koja nisu regulisana ovim Okvirnim sporazumom primjenjivaće se odredbe Zakona o obligacionim odnosima.

Član 8. (Rješavanje sporova)

Sve nastale sporove ugovorne strane rješavaju se sporazumno, a ako to nije moguće spor se riješava pred nadležnim sudom u Bosni i Hercegovini.

Član 9. (Punovažnost Okvirnog sporazuma)

- (1) Okvirni sporazum je punovažan i proizvodi pravno dejstvo nakon što ga potpišu obje ugovorne strane.
- (2) Okvirni sporazum je sačinjen u četiri istovjetna primjerka, od kojih svaka ugovorna strana zadržava po dva primjerka. Ugovorne strane su saglasne da ukoliko Dobavljač u roku od pet (5) dana od dana prijema prijedloga Okvirnog sporazuma na potpisivanje propusti da ugovornom organu dostavi potpisan Okvirni sporazum, smatra se da je Dobavljač usluga odbio da zaključi Okvirni sporazum i da je to osnov za dostavljanje prijedloga Okvirnog sporazuma drugorangiranom ponuđaču.

Broj: 11-3-02-1528-6/24

Datum: 25.06.2024

Za Ugovorni organ:

Stasa Košarac, ministar



Za Dobavljača:

Ana Grubišić, direktor

T. 010 30
B. VI. Ana Grubišić
GRUDE

7. 7. 2024.